



UNIVERSITÄTS-  
BIBLIOTHEK  
PADERBORN

## **Concilia Provincialia Mediolanensis Sex**

**Borromeo, Carlo**

**Venetiis, 1602**

De Ecclesiarum, & Altrium consecrationibus, aliarumque rerum  
benedictionibus.

---

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

in suis, vel urbibus, vel diœcesibus, is deprauatis moribus introductus vsus, quo maximo possunt, ac debent, pastoralis sollicitudinis officio illum eripere studentes; hoc in consuetudinem introducere curent, ut velo caput ipsæ induant; idque præsertim, cum vel sacras processiones prosequuntur, vel in Ecclesiam conueniunt.

6. Quæ ad cultum Eccl. pert.

14 Quod de velo mulierum, non sine multiplici mysterio, & voce Apostolica institutum, & Pontificio Canone corroboratum, & sanctissimarum fœminarum exemplis vsitatum, ac diuturno vsu retentum, nos Concilio tertio Prouinciali commonendum, & ab Prouincie Episcopis omni ratione curandum statuimus, quò diligentius in posterum præstetur, hoc præterea decernimus.

Mulieres cuiusvis ordinis, status, & conditionis sint, pœna interdicti ab ingressu Ecclesie sancita, velato in Ecclesia capite sint. Quæ verò non paruerint, postquam ter, aut semel, quæ vnica monitio prohibus satis sit, etiam generatim monitæ, in contumacia perstiterint, ab Episcopo, prout expedire iudicauerit, puniantur.

### De Ecclesiarum, & Altarium consecrationibus, aliarumq; rerum benedictionibus.

#### S V M M A R I V M.

- 1 In Ecclesia consecrata nihil noui edificij fiat, absque licentia Episcopi.
- 2 Ecclesie Parochiales non consecrata infra quod tempus consecranda.
- 3 Altaria maiora earundem Ecclesiarum consecranda. Consecrationis Ecclesie, & Altaris vis explicanda. De sacramentalib; 9.
- 4 Pridie consecrationis diei ieiunium seruandum.
- 5 Consecrationis dies sanctificandus: idque fiat singulis annis. & de diu. off. 51.  
Is dies, si ignoretur, ab Episcopo certus præfigendus. Ibid. 52.  
Consecrationis Ecclesie Cathedralis dies in Calendarium referendus, & à quibus is celebrandus. Ibid. 53.  
Collegiata, & dies dedicationis, à quibus, & qualiter agatur. Ibid. 54. & 55.
- 6 Consecrationes Ecclesiarum, & Altarium in librum referendæ: & ubi is liber custodiendus.
- 7 Consecrationis Ecclesiarum, & Altarium maiorum, memoria, tabula marmorea notanda: eaque ubi collocanda.

Alta-



3 Altarium etiam minorum consecratio, qua ratione, quoque loco notanda.

9 Aedes quae benedicendae; & quo ritu.

1 **N**E in Ecclesia, quae consecrata sit, nisi Episcopi concessu, aedificijque forma ab eodem praescripta, quicquam noui aedificij fiat; non Capellae item, non Altaria, ut Canonum iure sancitum est.

2 Ecclesiae saltem Parochiales, non consecratæ, infra annum in ciuitate, per diocesim verò infra biennium, omninò consecrentur: item Parochialium Ecclesiarum maiora Altaria, quæ consecrata non sunt, quamprimum poterunt.

4 5 Cùm Parochialis Ecclesia consecranda erit, ieiunium in vigilijs cum supplicationibus populus suæ quisque Parochiæ seruet: tum in die etiam ipso, quo consecratio fiet, abstineat ab omni seruili opere; eumque diem, festum colat, & celebret; idque vtrumque propterea à Parocho antè denuncietur.

6 Liber, Episcopo curante, conficiatur: idemque in Archiuo Episcopali asseruetur: in quem Ecclesiarum, Altarium, Cœmiteriorumque consecrationes, & campanarum benedictiones ordine relatæ, ad perpetuitatemque posteris proditæ, extent.

In Ecclesiae item vniuscuiusque Sacrificia liber eiusmodi sit, aut certe aliud scripti genus, publica auctoritate munitum, de illius Ecclesiae, suiue cœmiterij, & Altarium consecratione, & campanarum benedictione.

7 Quò firmitus verò, magisque perpetuum consecrationis Ecclesiarum, & Altarium monumentum posteritati prodatur, vniuscuiusque Ecclesiae consecrationis diem, annumque litteris, etiam in marmore incisis, rectè notari, tabulamque marmoream, in qua tota consecrationis narratio exaretur, in pariete ab Ecclesiae fronte, non longè à ianua primaria, loco illustri benè affixam; collocari mandamus. Idem iubetur de Altarium maiorum consecratione.

8 Aliorum verò Altarium cuiusvis Ecclesiae consecratio, pictura saltè aliqua, vel alio signo exprimitur, vel in Altari ipso, vel loco proximo.

9 Antiquus ille benedictionis aedium, quæ vel recenter aedificatæ sunt, vel immundis spiritibus, aliaue ratione vexantur, ritus, vbi in vsu esse desijt, Episcopi cura restituatur. In illa porrò benedictione Parochus, ritum, preces, psalmos, orationes, in libro Sacerdotali, Ritualiue praescriptas adhibeat.

Veterem illum, &c. Vide etiam Tit. de Sacramentalib. nu. 63.

3. De ijs, q̄ pert. ad orn. & cult. Eccl.

4. De Ecclesiarum, &c. cōsecrationibus, &c.

4. Ibidem.

4. Ibidem.